



SAKSPAPIR

Saksnr	Utval	Type	Dato
91/2021	Formannskap/plan- og økonomiutvalet	PS	23.11.2021
	Kommunestyret	PS	

Sakshandsamar	Arkiv	ArkivsakID
Kenneth Stokke	FE-151	21/1011

RENOVASJONGEBYR 2022

Vedlegg:

Pristabell renovasjonsgebyr Vaksdal kommune 2022

Premisser for gebyrregulativ 2022 for renovasjonsgebyrene

Kommunedirektøren sitt framlegg til vedtak:

1. Vaksdal kommune vedtek at BIR Privat AS vert delegert fullmakt til fakturering og innkreving av avfallsgebyret på vegne av Vaksdal kommune, jfr § 12 i Forskrift om håndtering av avfall fra husholdning. Avfallsgebyret tilhøyrar Vaksdal kommune.

2. Prisen på renovasjonstenesten for 2022 vert sett opp med 15,0%, med unntak av eigenandelen for levering til gjenvinningsstasjonane og enkelte tenester utanfor standard renovasjon. Desse vert uendra.

Kommunalt påslag vert sett til kr 0,- for 2022.

Vaksdal kommune vedtar avfallsgebyr i henhold til følgjande vedlegg:

Pristabell renovasjonsgebyr Vaksdal Kommune 2022

Formannskap/plan- og økonomiutvalet - Sak 91/2021

FPØ - Behandling:

Heidi Rongved, Ap stilte spørsmål ved sin habilitet i saka, som vara i styret. Formannskapet vedtok samrøystes at Heidi Rongved er ugild i medhald av fv.l. § 6 e), verv i styret for gjeldande verksemd.

Formannskapet drøfta saka.

Kommunedirektøren sitt framlegg til vedtak vart samrøystes vedteke

FPØ - Tilråding/Vedtak:

Formannskapet si innstilling til kommunestyret:

1. Vaksdal kommune vedtek at BIR Privat AS vert delegert fullmakt til fakturering og innkreving av avfallsgebyret på vegne av Vaksdal kommune, jfr § 12 i Forskrift om håndtering av avfall fra husholdning. Avfallsgebyret tilhøyrar Vaksdal kommune.
2. Prisen på renovasjonstenesten for 2022 vert sett opp med 15,0%, med unntak av eigenandelen for levering til gjenvinningsstasjonane og enkelte tenester utanfor standard renovasjon. Desse vert uendra.
Kommunalt påslag vert sett til kr 0,- for 2022.

Vaksdal kommune vedtar avfallsgebyr i henhold til følgjande vedlegg:
Pristabell renovasjonsgebyr Vaksdal Kommune 2022

Saksopplysningar:

Bakgrunn for saka/Formelt grunnlag

Gjennom Forureiningslova er kommunane pålagt eit ansvar for at innsamling av hushaldningsavfall frå private husstandar og hytter skjer på ein forsvarleg måte. Kommunane avgjer sjølv korleis dette skal skje. Vaksdal kommune delegerer på same måte som dei øvrige eigarkommunane denne oppgåva til BIR AS som igjen har delegert den til BIR Privat AS.

Alle eigarkommunane i BIR AS, handsama og vedtok ny «Forskrift om handtering av avfall frå hushald» i 2013. Vaksdal kommunestyre vedtok forskrifta KS-sak 32/13, den 30.09.2013. Ny forskrift tok til å gjelde frå 01.03.2014. Forskrifta er heimla i «Forureiningslova», §§ 30, 31, 33, 34, 37, 48, 49, 50, 79, 83, og 85.

Forskrifta sin § 12 omhandlar: «Delegert mynde til å fatte einskildvedtak m.m.» «Mynde til å fatte einskildvedtak etter denne forskrifta er delegert frå kommunen til BIR med heimel i forureiningslova § 83 andre ledd. Kommunen si oppgåve med å krevje inn gebyret kan delegerast til BIR.»

Budsjettet i BIR Privat AS byggjer på sjølvkostprinsippet. Det rekneskapsmessige resultat for selskapet skal avsetjast mot eit sjølvkostfond. BIR Privat AS skal over ein femårsperiode styrast mot eit nullresultat.

Med bakgrunn i at BIR skal ha lik pris på likt tenestetilbod er det viktig at alle våre eigarkommunar vedtar like prisar. Styret i BIR Privat AS har vedteke budsjett for 2022 og prisane på lovpålagte tenesteleveransar for 2022.

Forureiningslova §34 fastsett at det er kommunen som skal fastsette renovasjonsgebyret. BIR Privat AS fastsett pris for tenesteleveransen. Styret har vedteke at prisane på fakturerbare gebyrtenester skal setjast opp med 15,0 % for 2022. For gjenvinningsstasjonane og enkelte tenester utanfor standard renovasjon vert prisane uendra i 2022. Eventuelt kommunalt påslag/deponiavgift skal den enkelte kommune fastsette.

Eit grunngebyr inkl. 12 tømminger (en tømming pr mnd.) vil koste kr.2.552,11 inkl.mva i fleksibel gebyrmodell i kommunene i 2022. Ein tømming av en restavfallsbeholder (140L) ut over inkluderte tømminger vil koste kr 39,94 og ett kilo restavfall for storbeholdere vil koste kr 1,98 i 2022 (begge

priser inkl. mva.). For perioden 2017-2022 vil BIR da ha endret prisene på lovpålagt renovasjon med 19,5%. Til sammenligning har konsumprisindeksen økt med 11,7% i samme periode (forventet inflasjon 2021 og 2022 er da 5,0% totalt).

Vurdering og konsekvensar

BIR Privat AS skal arbeide for eit best mogeleg tenestetilbod til konkurransedyktig pris.

Eigarkommunane har sett krav om at selskapet skal ha ei føreseieleg prisutvikling. Dette meiner BIR Privat AS er oppfylt i inneverande budsjett.

Det vert elles vist til budsjettvedlegg. Av vedlegget «Pristabell renovasjonsgebyr Vaksdal kommune 2022» (Pristabell 2022), går det fram kva dei enkelte teneste kostar.

Framlegg til vedtak er likelydande i alle eigarkommunane.